

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. Xx, xx. xxx 2019-imeersoq
(Sulinermut ilanngaataamma Politiets Efterretningstjenestemut immikkut misissuisarnerup ataani akissarsianik akileraaruteqartitsinnginnissaq)

§ 1

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, ilaatigut Inatsisartut inatsisaanni nr. 2, 26. april 2007-imi, Inatsisartut inatsisaanni nr. 3, 30. november 2009-mi, Inatsisartut inatsisaanni nr. 10, 29. november 2013-imi, Inatsisartut inatsisaanni nr. 7, 6. juni 2016-imi kiisalu kingullermik Inatsisartut inatsisaanni nr. 22, 28. november 2018-imi allanngortinneqartumi tulliuuttut allannguutigineqarput:

1. § 34, nr. 20-p kingorna nr. 21-tut ilanngunneqarpoq:

“21) Akissarsiat, Politiets Efterretningstjenestemut immikkut misissuisarnerup ataani aningaasanit tunniunneqartut.”

2. § 38-p kingorna ilanngunneqarpoq:

”Kapitali 3 a
Sulinermut ilanngaata”

3. § 38-p kingorna Kapitali 3 a-tut ilanngunneqarpoq:

”§ 38 a. Sulinermut ilanngaata qinnuteqaateqarnani inunnut imm. 2-mi pineqartunut tunniunneqartassaaq. Sulinermut ilanngaata kapitalimi matumani malittarisassat naapertorlugit naatsorsorneqartassaaq kiisalu tunniunneqartarluni.

Imm. 2. Inuit tulliuuttut sulinermut ilanngaammik pisinnaatitaapput:

1) § 1, imm. 1-2 naapertorlugit akileraartussaasut, kiisalu marloqiusamik akileraartarnermi isumaqatigiisummi aalajangersakkat malillugit naalagaaffimmi allami, Danmarkimi imaluunniit Savalimmiuni najugaqartutut isigineqanngitsut, aamma

2) § 72, a, imm. 1 imaluunniit § 72 b, imm. 1 naapertorlugit tamakkiisumik akileraartinneqanngitsut.

§ 38 b. Sulinermut ilanngaata ukiumut annertussusigissavaa:

1) Tunngaviusumik aningaasarsiani, § 67 naapertorlugu inummut ilanngaammut § 21, imm. 2 naapertorlugu nalinginnaasumik ilanngaata ilanngullugu naapertuuttuni, ukiumut 180.400 kr.-t tungaannut sulinermut ilanngaata ukiumut 0 kr.-mit ukiumut 9.600 kr.-nut narlusuumik annertusiartuartinneqassaaq.

2) Tunngaviusumik aningaasarsiat ukiumut 180.400 kr.-nit ukiumut 350.000 kr.-uppata, sulinermut ilanngaata ukiumut 9.600 kr.-ussaaq.

3) Tunngaviusumik aningaasarsiat 350.000 kr.-nit 550.000 kr.-uppata, sulinermit ilannga at ukiumut 9.600 kr.-nit 0 kr.-mut narlusuumik appariartortinneqassaaq.

Imm. 2. Imm. 1-imi akigitat kiisalu aningaasat ukiumut aningaasarsiorfiusumut 2020-mut atuupput. Akigitat il.il. ukiumut 1. januarimi akigititanik naleqqussaanermi procenti naatsorsorneqartoq kingulleq malillugu aalajangersarneqartassapput.

§ 38 c. Sulinermit ilanngaammuk tunngaviusumik aningaasarsiat inuup ataatsimut isertitai A-t aamma B-t katillugit, § 41, imm. 2 naapertorlugu, aningaasarsianut akileraarutaasussanut ilanngullugit naatsorsorneqanngitsut annertussusigissavaat.

Imm. 2. Tunngaviusumik aningaasarsianut ilaapput aktiaatinit iluanaarutit Kalaallit Nunaanni ingerlatseqatigiiffinit pissarsiat. Iluanaarutit pissarsiarineqartut iluanaarutininik akileraarusiineq sioqqullugu aningaasanngortinneqartarput.

§ 38 d. Tunngaviusumik aningaasarsiat naatsorsornerini ilanngunneqassanngillat akiliinerit allallu, Soraarnerussutisiaqarnissamut aaqqissuussinermit pinngitsoorani ilaanissaq pillugu Inatsisartut inatsisaanni § 4, imm. 1-2-mi naatsorsorneqarsimasut, kisiannili ilanngunneqassapput aalajangersakkami imm. 1, nr. 1-3-mi naatsorsorneqarsimasut.

Imm. 2. Tunngaviusumik aningaasarsianik naatsorsuinermit aamma ilanngunneqassanngillat isertit il.il. § 70 aamma 71-imi ilanngunneqartut.

Naatsorsuineq akiliinerlu

§ 38 e. Akileraartarnermit ingerlatsiviup 1. septemberiutinnagu tunngaviusumik aningaasarsiat naatsorsortassavai tak. § 38 c-38 d, ukiumi akileraarusiiffiusumi kiisalu sulinermit ilanngaammik naatsorsuisassalluni. Tunngaviusumik aningaasarsiat negativiuppata, sulinermit ilannga at 0 kr.-ussaaq. Sulinermit ilannga atip nalinga akileneqassaaq kiisalu akileraaruserinermit ingerlatsineq pillugu inatsisartut inatsisaanni § 25 naapertorlugu akileraarutit sinneqartoortaaq akiliinertut suliarineqartassallutik.

Imm. 2. Akileraartarnermit ingerlatsiviup ukiumoortumik ukiumi sulinermit ilannga atip naatsorsornera nassiuttassavaa.”

4. § 88, imm. 2, oqaaseqatigiit siulliit ima oqaasertaqarput:

” Ingerlatseqatigiiffik akiliinissamut imaluunniit pissarsiassanik allannermit imaluunniit Naalackersuisunit allanneqareersumik piumasaqaateqarnissamut killiliussap qaangiuttup ullup kingorna kingusinnerpaamik qaammatip 10-ani akuersinermit paasissutissat kiisalu tiguisussat nalunaarutigisassavai.”

§ 2

Inatsisartut inatsisaat 1. januar 2020 atuutilerpoq, kisiannili tak. imm. 3.

Imm. 2. Ukiumi isertitaqarfiusumi 2020-mit aallarnarluni sulinermut ilanngaat siullermeerluni naatsorsorneqassaaq § 1, nr. 2-3-mi aalajangersakkat malillugit.

Imm. 3. Naalackersuisut pisinnaatinneqassapput nalunaarut aqutigalugu § 1, nr. 1-ip atuutilerfissaatut ullormik aalajangersaassallutik.